



## DAW KABA-7 GA SHAKA NINGNAN, YESU SHANGAI AI LAM HTE AGUNG ALAU

### *SHANING 500 LAI AI HPANG*

DANIELA A MYIHTOI GA PRU AI HPANG SHANING 500 NING LAI MAT AI. BC 4 NING HTA ROMA NI GAW YUDA MASHA NI HPE MAKAM MASHAM SHANGLAWT AHKANG JAW MA AI. RAI TIM, AHKUN HKANSE GRAI HTAT AI HKU HTA SHA MA AI. NAWKU HTINGNU HPE BAI GAW GAP DA LU NNA YUDA MASHA NI A ASAK HKRLUNG LAM GINDAI TAI WA SAI. MALAWNG MAGA GAW MESHIA PAW PRU WA NA LAM MYIHTOI GA HPE MALAP KAU MASAI. RAI TIM, TARA LAIKA HPE NAW KYEM NNA HKRISTU PAW PRU NA HPE MYIT MADA NGA MA AI. DAI ZAWN MYIT MADA NGA AI NI HTA SIMUN MYING AI DINGLA LAW M NGA AI. SHI GAW MYIHTOI NI TAU TSUN DA AI WA HPE MU MADA LU NA MYIT MADA NGA AI CHYOI PRA AI MASHA RAI NGA AI. SHI GAW SHANING NA NA MYIHTOI GA NI HPE HTI NGA NNA ATEN NI WA SAI HPE CHYE DA NGA AI. RAI TIM, YA SHI GRAI DINGLA MAT WA SAI MAJAW NALU NA NA N NGA SANA NHTEN. EWA A ARU ARAT GAW GUMLAU NAT A MAGAM BUNGLI HPE JAHTEN NA LAM, EWA HPE KARAI KASANG GA SADI JAW AI SHANING 4,000 NA SAI.

*YA GAW ATEN DU SAI. MYIHTOI GA 350 JAN DIK WA NA JIN JIN RAI SAI.*



OH, ABRAHAM, ISAK, HTE YAKU A KARAI KASANG E, HKYE LA MADU HPE NGAİ ALA NGA NNGAI. RAI TIM, NGAİ ATEN NA NA MATUT ASAK HKRUNG LU NA N RAI SAI.

**NANG ATEN NA NA ASAK NHRUNG LU SANA TENG AI, RAI TIM, NANG GARAI N SI YANG DAI GA SADI HTE DU NA WA HPE NANG MU LU NA RE.**

MIKHA 5:2 HTA TSUN DA AI HTE MAREN NGA YANG, DAI SHADANG SHA GAW KARAI KASANG ZAWN HTANI HTANA A NGA NGA AI. SHAKAWN KLINGDAWN 45:6 HTA RAWNG AI MYIHTOI GA MUNG SHI HPE KARKASANG A SHADANG SHA NGU NNA YEHOWA TSUN DA AI.

NANG HTE MYIT HKRUM AI MASHA NALI N NGA AI HPE NANG MU NA RE. DAI MAJAW, SHAWA MASHA HPANG HKAN E NDAI LAM HKUM TSUN SHAPRAW. NANG HPE NLING HTE JAWM KABAI SAT NA MARA AI.

NANG MU NA RE. NGAİ GARAI NSI YANG NDAI NAW KU HTINGNU DE MESHIA SA WA NNA SHI HPE NGAİ MU LU NA RE.



SIMUN GAW CHYUM LAIKA NI HPE SAWK TAM YU NNA, HKRISTU HTE SENG AI MYIHTOI GA LAW LAW HPE MU HTI HKRUP AI.

SIMUN E, NANG NDAI DE SHANI SHAGU SA SA RAI NDAI. HKINJAWNG NI YAWNG GAW, NANG ZAWN MAKAM MASHAM HTA HTEP LAHTI RAI MA YANG GRAI MAI NA WA.

HKRISTU HTE SENG AI ESAIA A MYIHTOI GA NDAI HPE, NANG KANING NGU LACHYUM HPYAN NA NNI? HKAWN SEK GAW NA-LIM NA-SIN BYIN NNA SHADANG SHA SHANGI NA NGA TSUN DA AI. DAI GAW EWA HPE TSUN AI NUM A ARU ARAT NGA AI RAI NA RE.

RE, ESAIA MUNG DAI MA HPE, DARU MAGAM KARAI WA NGU TSUN DA AI RE. RAI TIM, MYIHTOI GA NI GAW CHYE NA LU NA YAK NGA AI.



SHI TSUN AI TENG NA RE.

NANG GAW KADAI WA TA? NDAI LAM NI HTE SENG NNA NANG HPA CHYE NNI?

NYE WA GAW CHYUM LAIKA KA SARA RE. SHI GAW NGAİ HPE MYIHTOI GA NI MADUN DAN AI. YERUSALEM NAW KU HTINGNU BAI GAW GAP AI TEN KAW NNA, MESHIA HPE DAN KAU AI TEN DU HKRA 483 NING RAI NA LAM DANIELA HPE KARAI KASANG TSUN DAN DA AI.

DAI MUNGGA PRU AI HPANG, YA 449 NING HPRING SAI. DAI MAJAW 34 NING NAW NGAM AI. TSUN MAYU AI GAW, YA PYI NUMMAW LAM E MESHIA HKAWM SA NGA SAI NGU AI RE.



NANHTE TSUN HKAT AI HPE NGAİ SOI SAM NA DAT NNGAI. NGAİ MUNG CHYUM LAIKA NI HPE SAWK HTI HKA JA LAI WA YU SAI. LAI WA SAI SHANING 500 DARAM HTA, DANIELA MUNG MESHIA DU NA ATEN HPE MYIT LAWM HPA KA DA AI.

CHYUM LAIKA KA SARA NI N CHYE AI HPA BAW HPE NANG CHYE TAWN NNI?



GARAI N RAI NA RE. NGAİ GARAI N SI YANG, MESHIA MA CHYANGAI HPE NDAI NAW KU HTINGNU HTA NGAİ MU LU NA LAM, CHYOI PRA AI WENYI NAN NGAİ HPE SHINGRAN JAW DA SAI.

DAI ZAWN RE AI LAM NI HPE NANG KANING DI CHYE LU NNI?

NANG MU NA RE.

SIMUN GRAU DINGLA WA NNA, NAWKU HTINGNU HTA GA SADI HTE DU SA NA MESHIA HPE TAM LET ALA NGA YANG, ZAKARI MYING

AI HKINJAWNG WA NAWKU HTINGNU KATA DE AKYU SHANG HPYI AI. SHI HTE SHI A MADU

JAN GAW GUMGAI DINGLA U-GUT GU TIM MA N LU YU MA AI.

AKAJAWNG SHA, LAMU KASA LANGAI MI DAI HKLINGRI A HKRA MAGA DE DAN PRU WA AI.

HKUM HKRIT. NA A KYU HPYI GA KANG SAI. NA MADU JAN ELISABET GAW, SHADANG SHA SHANGAI NA RE. DAI MA HPE YAWHAN NGU DAI DAW MU.

SHI SHANGAI WA YANG, MASHA LAW LAW KABU NA MARA AI. SHI GAW, MESHIA DU SA WA YANG NA MATU SHAWA MASHA NI HPE HKEYEN LAJANG DA SHANUN NA WA RAI NGA AI. SHI GAW TSA CHYARU HTE TSABYI NTSIN N LU NA RE. ELIA A WENYI HTE ATSAM HPE MUNG LU LA NA RA AI.

NANG TSUN AI LAM TENG, N TENG, NGAI KANING DI CHYE LU NA RAI TA? NGAI HTE NYE MADU JAN GAW, GAWNG KLING ASAK LAI SAI. GUMGAI JAN MUNG PRAT TUP MAUDUNG DUNG NGA AI.

NGAI GAW, KARAI KASANG A MAN HTA TSAP NGA AI LAMU KASA GABRIELA RE. NANG HPE NDAI LAM TSUN DA NA MATU, NGAI HPE KARAI KASANG SHANUN DAT AI. LAMUK KLUMLA MU MAYU NNI? NDAI LAM NI DIK WA AI ATEN DU HKRA NANG GA N MAI SHAGA MAT NA NDAI.

LAI WA SAI SHANING 4000 DARAM HTA MYIHTOI NI GAW MESHIA DU SA NA LAM TSUN DA AI. DE A SHAWNG 700 NING HTA ESAIA MUNG, "HKAWN SEK GAW SHADANG SHA SHANGAI NNA, SHI HPE EMANUELA (KARAI KASANG ANHTE HTE RAU NGA AI) NGU SHAMYING LU NA RE" NGU TSUN DA SAI.

NDAI LAM NI TSUN DAN LU AI SHALOI NGAI KABU NA RE. NDAI NTA NAI ZIM LA SAI. LAMU KASA HPE NANG GA N HTAN YANG MAI NA RE, DUM U.

ZAKARI E, KAM NA ZAWN N DANG NGU NNGAI. ANHTE AMYU A KAWOI SARA HPE ZAWN KARAI KASANG GAW AN A KYU HPYI GA HPE MADAT YA NNA, YA NGAI MUNG MYIHTOI KABA A KANU TAI SANA RE.

MARI GAW, YAWSEP HTE HKLINGRAN NA MATU MAHTAN DA SAI RE. SHI GAW, KADAI LA HTE MUNG HKUM HKRANG KANAWN MAZUM LAM GARAI N NGA AI RE. SHI GAW, MAWSHE A TARA YAWNG HPE MADAT MARA HKAN SA NGA AI.

A KAJAWNG SHA, LAMU KASA LANGAI MI MARI KAW DAN PRU WA AI.

MARI E, NANG GAW KARAI KASANG A MAN HTA MYIMAN PA NIT DAI. NANG NA-LIM NA-SIN BYIN WA NNA, KARAI KASANG A SHADANG SHA HPE SHANGAI NA NDAI.

NGAI GAW LA KADAI HTE MUNG HKUMHKRANG N KANAWN YU AI MI, DAI LAM KANING RAI BYIN LU NA RAI TA?

KARAI KASANG A CHYOI PRA AI WENYI GAW NANG HPE SHINGNIP KA-LIP NA RA AI. NA A KRAW HTA NA-LIM NA-SIN BYIN NA MA GAW KARAI KASANG A SHADANG SHA RAI NGA AI. NA KANING MAUDUNG NUM NGU AI ELISABET PYI, YA MA HKUM SHATA KRU RAI SAI.

NGAI GAW MADU A SHANUN MA RAI NNGAI. MADU MYIT RA AI HTE MAREN NGAI HTA DIK WA U GA.

NGAI GAW KARAI KASANG A SHADANG SHA HPE SHANGAI AI KANU TAI SANA RE. NGAI HPE YAWSEP KAM NA KUN? SHI CHYE NA YA NA KUN? NGAI MA HKUM RE AI LAM MASHA NI CHYE JANG, KANING JAWM NGU NA MA AI KUN? YA NGAI CHYE SA. ELISABET KAW SA NGA NA.



ELISABET E...

MARI, NGAI SHA E....

NUMSHA NI HTA NANG A LU NDAI. NA KRAW NA ASI MA MUNG A LU U GA. NYE MADU A KANLU NGAI KAW SA JAKHRUM NA NGU AI GAW, NGAI KADAI WA MI RAI NGA A HKA? NA A GA NGAI NA AI HTE RALU, NYE KRAW KATA NA MA GAW ABU GUMLAWT NGA AI.

NYE A MYIT MASIN GAW, KARAI KASANG HPE SHAGRALI NGA AI. NYE A WENYI MUNG, NYE A HKYELA MADU KARAI WA HTA KABU GARA NGA AI. SHI MAUHPA ATSAM KABA AI LAM MADUN NNA, NDAI HPANG BAN PRAT YAWNG NA MASHA NLANG HTE GAW, NGAI HPE A LU AI NGU NA MARA AI.

SHI GAW GRIT NEM AI DARAT DAROI NI HPE SHAGRALI SHATSAM DAT SAI. ANHTE A KAJI KAWA ABRAHAM HPE SHI TSUN DA SAI HTE MAREN, MATSAM DUM MYIT HTE ANHTE HPE MYIT DUM YA SAI.

MARI GAW, ELISABET KAW SHATA MASUM DARAM SA NGA NGA AI.



ELISABET MA SHANGAI TEN DU WA SAI.

ZAKARI GAW, LASHA TENG SHA RAI NA RE NGA KAM NGA AI. SHI HPE LAMU KASA TSUN DAN AI NGA TSUN AI.

LASHA SHANGAI YANG GAW KAWA A MYING HKAN NNA ZAKARI NGU SHAMYING NA MARA AI.

SHANGAI SAI LU. KANING NGU SHAMYING NA, SHI HPE SAN YU GA.



SHI N KAM AI MAJAW, LAMU KASA E SHI HPE GA N MAI SHAGA MAT SHANGUN AI, NGU SHI TSUN AI.

MA HPE HPA MYING JAW NA?

SHI LINGPA HTA KA MAYU NGA AI.



LAMU KASA HKANG DA SAI HTE MAREN, YAWHAN NGU SHAMYING LU NA RE NGA, SHI TSUN AI.

ATAW, SHANHTE A HTINGGAW HTA, YAWHAN MYING LU AI KADAI MUNG N NGA AI WA MI.



LA KASHA NAN SHE RAI NGA AI. HKUM TING MUN HKRAI HKRAI.



SHI MYING, DAI MADU A MUNGGA HTE MAREN YAWHAN RE. SHI GAW, MESHIA HPE ANHTE AMYU ISRAELA NI HTE SHACHYEN YA NA RE.

SHI GA LU SHAGA SAI. NDAI DARAM SHATA NA NA LAI AI HPANG SHI BAI SHAGA SAI.

NDAI GAW MYIHTOI GA HTA TSUN DA AI ELIA SHE RAI SAM SAI KUN?



DAI SHALOI, MARI NA-LUM NA-SIN BYIN SAI LAM YOSEP CHYE KAU YA SAI. SHI A MA N RE AI MUNG CHYE SAI.

OH, YOSEP E, NANG KANING RAI NA TA?

NU E, NGAI N KAM AI. SHI A MAKAU E KADAI LA MUNG N KANAWN AI RE. SHI MUNG, SHANHTA A NTA MASHA NI RAI SHA NGA AI. NGAI MUNG SHI HPE HPA N DI AI. GAJA WA SHA, SHI MA HKUM RAI TAW NGA AI.

SHI HPE YA NGAI N HKUNG-RAN LA LLI SAI. RAI TIM, NDAI LAM N KAM SHABRAWNG DAT NNGAI. SHI NILUNG HTE KABAI SAT KAU HKRUM NA RA AI. MAHTAN DA AI HPE A KATSI SHA DAWM KAU YANG MAI NA NHTEN.



MA KAWA KADAI RE AI NGA, SHI TSUN A TA?

MA KAWA GAW, KARAI KASANG RE AI NGA SHI TSUN AI. HKUM SHAN N HKRA AI SHA, SHI A KRAW HTA CHYOI PRA AI WENYI HKU BANG DA AI NGA TSUN AI.



SHI MYIT N GRING MAT SAI KUN?

SHI TSUN AI GAW, DAI MA GAW KARAI KASANG A KASHA, MUNGKAN GA A HKYELA MADU RAI NA RE, NGA AI.

NUM LANGAI MI DAI ZAWN NGU TSUN AI GAW KARAI KASANG HPE N-GUP A-GA HTE SHATAN NHKAN GA TSUN KAU AI LAM RAI NGA AI. SHI HPE LAWAN DIK AI HKU A KATSI NGU SHABAWN KAU RA SAI.



DAI SHANA YOSEP YUP NGA YANG LAMU KASA LANGAI MI SHI KAW SA DAN PRU AI.

DAWI A SHADANG SHA YOSEP E, MARI HPE NA MADU JAN SHATAI NNA HKUNG-RAN LA NA MYIT HKRUM RU ET. DAI MA GAW CHYOI PRA AI WENYI HKU NA-LUM NA-SIN BYIN AI RE. SHI GAW, SHADANG SHA SHANGAI NA RA AI. NANG SHI HPE YESU NGU SHAMYING LA LLI NA NDAI. SHI GAW, SHI A AMYU SHA NI HPE YUBAK KAW NA HKYE LA NA RAI NGA AI.

NDAI GAW ESAIA A MYIHTOI GA DIK WA AI RAI NGA AI. "HKAWN SEK LANGAI MI NA-LUM NA-SIN BYIN WA NNA SHADANG SHA SHANGAI NA RA AI. SHI A MYING EMANUELA NGU NA RAI NGA AI. DAI GAW, KARAI KASANG ANHTE HTE RAI NGA AI, NGU AI LACHYUM RE."



MARI E, NANG HPE NGAI NTSEN KAU AI MARA, KANING DI DAT YA LLI NA TA?

NGAI CHYE NA NNGAI. DAI LAM YAWNG MALUHPA HKRAI RAI NGA AI. TSA BAN SHANING LAW LAW HTA AMYU SHA NI YAWNG HTA NA NGAI HPE LATA LA NNA, MUNGKAN GA A HKYELA MADU HPE SHANGAI SHANGUN SAI.



MA GAW KANING SAN AI RAI NA KUN? SHI GAW HKUM SHAN HTA PRA AI KARAI KASANG RE AI MAJAW SHANGAI AI HTE GA CHYE SHAGA NA KUN? LAIKA CHYE HTI CHYALU RAI NA KUN?

OH, YOSEP E... NGAI N CHYE AI. RAI TIM, KARAI KASANG GAW CHYE AI. ATEN HPE LAT YU GAW.

AN LAHKAWNG YAN DAWI A ARU ARAT RAI GA AI. MYIHTOI GA HTA, MESHIA GAW DAWI A ARU ARAT RAI NA RE, NGA AI.

NGAI KAGA LAMA MI MYIT LLI AI. EDIN SUN HTA KARAI KASANG TSUN AI GAW, LAPU A ARU ARAT HPE NUMSHA A ARU ARAT E BAW ABREP YA NA, NGA AI. YA NGAI CHYE SAI. NDAI MA GAW LA KAW NA ARU ARAT N RE. NUMSHA KAW NA ARU ARAT SHE RAI NGA AI. GOI.... KARAI KASANG GAW, MOI CHYALOI NHKAOI KAW NA MASING JAHKRAT DA SAHKA !



YOSEP YAN MARI GAW GALILE MUNG, NAZARET MARE E NGA MA AI. RAITIM, MESHIA GAW YUDA MUNG, BETLEHEM MARE E SHANGAI WA NA LAM. MOI NA MYIHTOI GA DINGSA NGA AI RE ( MIHKA 5:2 ). GADE N NA YANG MARI GAW, MYIHTOI GA HKU N RE AI MARE HTA MA SHANGAI NA SHA RAI SAI. SHAN LAHKAWNG GAW MYIHTOI GA HPE N CHYE TAWN AI. BETLEHEM DE HKRUN LAM GALU HKAWM SA NA MUNG N DANG MYIT HTANG DA AI RE.

**MADAT MU, MADAT MU.**  
ROMA ASUYA AMING HTE KEHTA HKAWSENG WA NAN TA MASAT KA NNA NDALU SHANA DAT AI. YUP TUNG JAHPAN HTA LA NA RE AI MAJAW, ISRAELA AMYU MASHA NI YAWNG, AHKUN HKANSE A MATU TINANG NANG A DAI DAW BUGA DE JAHPAN WA BANG MU....

YOSEP E, NANG BETLEHEM DE SA RA NA TAI AI. NGA MA SHANGAI YANG NANG NTA N NGA NA RE.

NGAI PRU HKAWM MAT YANG, MAKALI GRUP YIN NA NI N CHYE NA SHAJANG NA RE. NANG HPE NGA WOI SA MAT NA.



MARI E... NANG HPE NGA NDALU HKRUN LAM N WOI SA YANG SHE RAI SANA WA. BAI NHTANG WA MAT YANG MAI NA NHTEN!


N RAI NA RE. MA SHANGAI YANG NANG HTE RALU NGA NGA RA AI. KAGA KADAI MUNG N CHYE NA YA AI.



DENG 100 HKRUN LAM HKAWM NA MATU LABAN BAT MI JAN ATEN NA SAI RE.

BYIN MAI YANG YA NAN TIN RA SAI. ATEN DU SAI NHTEN.

MANAM JARAWP HTA MANAM GAWK LU MAI NA KUN NAW SA SAGAWN YU NA.



MARI, NANG HPE MA SHANGAI KARUM YA NA NUM LANGAI MU TAM SAI.

MANAM JARAWP HTA MANAM GAWK N NGA SANI?!

N NGA SAI. YAWNG HPRING SAI.



NA A KASHA ALAT A MATU NANG GRAI HKRAK AI HKU GALAW SAI RAI TIM, WULAWNG HTA SHANGAI RA AI MAJAW SHA MATSAN DUM SAI.

DAI HTE SENG NNA MYIT HKUM RU. LANI MI NA NHTOI HTA MUNGKAN HPE SHI UP NA RA AI.

TENG AI. SHI HPE SHANGAI KARUM AI JAN GAW CLEOPATRA HKAWHKAM NUM RE AI NGU NNA SHI HPE TSUN DAN U.

HPABAW  
TA? LAMU  
KASA SHE  
RAI NGA  
AI.

LAMU KASA  
HKYING KABA WA  
SHE RAI NGA AI.

HKUM HKRIT MYIT. MASHA  
YAWNG A MATU KABU GARA  
SHIGA NANHTE HPE TSUN DAN  
NA NGA HPE KARAI KASANG  
DAT DAT SAI. DAI NI NA NHTOI  
HTA, YUDA AMYU SHA NI A  
MESHIA NGU AI MADU HKYE  
HKRANG LA AI WA GAW DAWI A  
MARE E SHANGAI WA SAI.

NANHTE A MATU KUM  
LA NDAI RAI NA RA AI. MA  
CHYANGAI LANGAI MI HPE  
NBAT HTE HKAYAWP NNA  
WUSHAT WAKING HTA KALENG  
TAWN AI HPE NANHTE SA  
MU LU NA MARIN DAI.

MATSAW LAHTA TANG  
E KARAI KASANG GAW HPLUNG  
RAWNG LI GA. MASHA NI HPE KARAI  
KASANG MAI KAJA AI MYIT TAWN DA  
YA AI MAJAW, DINGHTA GA N TSA E  
NGWI PYAW AI LAM HPE KARAI  
KASANG SHABYIN NA RA AI.

KAM NA ZAWN RAI NI?  
ANHTE KAW LAMU KASA  
NI SA DU AI LE.

GARAI HKUM  
RAI SHI; NYE MA  
KANU HPE NAW WA  
TSUN DAN NA.

SHI HPA TSUN  
AI NA NNI? ISRAELA  
MUNG HTA MESHIA  
SHANGAI SAI.

NGAI SA YU  
MAYU AI.

HKYE LA  
MADU! MASHA  
NI HTA NGWI PYAW  
AI DU NA DA.  
MA CHYANGAI  
LANGAI MI... SA  
HPU YU GA.

NANHTE HPE  
DINGBAI DINGNA  
JAW AI TAI SAI  
KUN? LAMU KASA  
LANGAI MI SHI  
HPANG DE HKAN SA  
NA ANHTE HPE  
SAW SHAGA AI.

**MESHIA !**

DAI HPE KADAI  
DANG MYIT DUM  
LU NA TA? KARAI  
KASANG NAN MA  
CHYANGAI SA TAI AI...



YOSEP YAN MARI GAW, MA CHYANGAI HPE HKINJAWNG HPANG DE WOJ SA NNA, NAWKU HTUNG TARA HTE MAREN HKUNGGGA NAWNG YA NA ATEN DU WA SAI.

YOSEP E, MA A MATU NDAI LANG NAWKU HTINGNU DE SA AI GAW SHAWNG NA LANG RE AI MAJAW, YESU HPE HKRISTU RE AI NGU KADAI MUNG N CHYE NA RAI NGA AI.

NDAI LAM KADAI HPE MUNG GARAI N TSUN DAN YANG MAI NHTEN. MA KABA WA AI TEN DU HKRA NAW LA GA.



SIMUN DINGLA GAW NAWKU HTINGNU E NGA NGA AI.

SHI DU RA AI. ANHTE SHI HPE LA NGA AI GRAI NA SAI.

DAI GAW KADAI TA? MARI...

N CHYE AI. AN HPE NDAI KAW NA NI KADAI MUNG N CHYE MA AI.



OH, MADU ANHTE A KARAI KASANG E, NANG HTA A NGA U GA LAW... NANG GA SADI JAW DA AI HKYE HKRANG LA AI LAM HPE YA NGA! NAN MYI HTE CHYAW MU LU SAI MAJAW, NGWI PYAW AI HTE WA MAT LU NA SAI. SHI GAW AMYU BAW NI A MATU NHTOI TAI NNA ISRAELA AMYU MASHA NI A ARAWNG SADANG BYIN NA RA AI.

RAI YANG, DAI LAM NANG GARA HKU CHYE NNI?



MADAT LA U, NDAI MA GAW ISRAELA AMYU MASHA NI HTA NA LAW LAW HPE SHARAWT NNA, KAGA NKALU MI HPE HKRAT SUM SHANGUN NA RA AI.

BAI, SHI HPE JAWM NINGHKAP NNA TSUN JAHPOI NA MARA AI. SHI HTA BYIN HKRUM AI LAM HPE NANG MU YANG NA A MASIN SALUM WAN HKRU NA RA AI.



YU YU U!... MESHIA WA I... NDAI NAWKU HTINGNU DE SHI DU SA WA SAI. NDAI WA GAW MYITHOI NI TSUN DA AI WA RAI NGA AI.

NDAI JAN GAW ANNA RE. SHI A PRAT TUP MESHIA HPE LA NGA SAI RE.



BRANG WA E, NDAI MA GAW MUNGKAN GA A HKYE LA MADU, HKRISTU RE. SHI GAW ISRAELA AMYU MASHA NI HPE SHANHTE A YUBAK MARA NI HTA NA HKYE LA NA RA AI.

DAI TEN KAW NA ANNA GAW, HKYE HKRANG LA AI LAM HPE TAM AI NI YAWNG HPE DAI MA A LAM TSUN SHANA DAN NGA AI.

ISRAELA MUNG DAN A SINPRAW MAGA DE HPAJI RAWNG AI NI GAW MOI MOI NA LAIKA NI HPE SAWK HTI HKA JA NNA, KARAI KASANG A LAM HPE HKAN TAM NGA MA AI. DU SA WA NA MESHIA A LAM MYIHTOI GA HPE SHANHTE CHYE MA AI. YUPMANG NI HTE SHINGRAN NI HTA, GA SADI JAW DA AI WA SHANGAI SAI LAM, SHANHTE HPE KARAI KASANG SHANA DAN SAI. DAI HPANG ISRAELA MUNG DAN DE MADI MADUN AI LAKLAI SHAGAN KABA LANGAI MI HPE MUNG MU TAM MA AI.



ANHTE GRAI TSAN TSAN DU SA WA SAI. NDAI GAW LAKLAI AI CHYASAM GA DE ANHTE DU AI SHE RAI SAI. ANHTE HKRUN LAM HKAWM AI LABAN BAT TSAWM-RA NA SAI.

SHAGAN GAW SHAWNG DE SA NGA AI. ANHTE DAI SHAGAN HPANG DE RA AI DARAM HKAN SA NA RE.

HPANG JAHTUM DAI SHAGAN GAW SHANHTE HPE ISRAELA MUNG DE WOI WA NNA, SHANHTE YERUSALEM DE SHANGAI WA SAI HKAWHKAM MA CHYANGAI A LAM SA SAGAWN MA AI.



MADI HKAWHKAM HEROD E, SINPRAW SUMTSAN MUNG NA SUTSU AI ZAWN RE AI MANAM MARAI MASUM DU NGA AI. SHANHTE GAW ISRAELA HKAWHKAM MA CHYANGAI HPE HKAN TAM HKAWM AI RE, NGA MA AI.

HKAWHKAM DA AW...? HKAWHKAM GAW NGA SHE RE. SHANHTE HPE NDAI DE WOI SHAWN NNA, HKNJAWNG AGYI WA HTE CHYUM LAIKA KA SARA NI HPE NGA HPANG DE SHAGA DAT YU MU.



NANHTE HKAWHKAM MA CHYANGAI HPE MU MAYU NNA DU SA AI DA AW... DAI ZAWN NGA AI SHIGA HPE KANING DI NNA NANHTE CHYE LA MYIT NI?

SHI A SHAGAN HPE SINPRAW MUNG HTA ANHTE MU SAGA AI RAI NNA, SHI HPE NAWKU NA MATU ANHTE DU SA GA AI.

YA SHI KANANG E NGA A TA?

HKRAK GAW ANHTE N CHYE GA AI. DAI MAJAW ANHTE NANG KAW SA AI RAI GA AI.

HPAJI NINGHKRIN NI HPE NGA SHAGA DAT SAI. NDAI LAM HTE SENG NNA SHANHTE HPA BAW CHYE MA AI KUN, YU YU GA. NDAI SHIM AI LAKSAN GAWK KAJI DE NGA KAW HKAN MARIT.



SHANHTE GAW ISRAELA AMYU MASHA NI HPE HKYE LA NA LAM MYIHTOI GA NI HTA TSUN DA AI ISRAELA HKAWHKAM HPE NAWKU NA MATU DU SA AI RE, NGA MA AI. NANHTE A CHYUM LAIKA NI HTA NDAI HKAWHKAM A LAM HPA TSUN DA A TA?

TENG AI, SHI PAW PRU NA LAM MYIHTOI LAW LAW TSUN DA AI. RAITIM, DAI MYIHTOI GA NI HPE KA DA AI HKU RAW RAW ANHTE N KAM GA AI.

NANHTE A HPAJI CHYE AI LAM HPE NGA HPA N NAWN NNGAI. MYIHTOI GA HKRAK KANING NGA TSUN A TA?


MYIHTOI MIHKA TSUN AI GAW, DAI MESHIA HPE YUDA AMYU LAKUNG HTA BETLEHEM MARE KAW SHANGAI WA NA NGA AI.



MADAT MU, DAI HKAWHKAM HPE NGA NAN NAWKU MAYU NNGAI. SHI HPE NANHTE MU TAM YANG, SHI KANANG E NGA AI LAM NGA HPE SHIGA WA SHANA MARIT.

MAI SA. SHI HPE ANHTE MU TAM AI HTE RAU, SHIGA SHANA DAT NA GA AI.

HEROD GAW HKAWHKAM LANGAI MI SHANGAI WA AI HPE NA HKRIT KAHPRRA NGA AI. DAI MAJAW, DAI MA CHYANGAI KANANG E NGA AI LAM MU TAM AI HTE RAU, SAT KAU MAYU NGA AI.



MA CHYANGAI KANANG KAW SHANGAI WA NA LAM DAI CHYUM LAIKA KA SARA NI TSUN AI SHARA HKRAK CHYE LU NA LAM NGA AI. RAITIM, SHANHTE GAW SHANHTE A MYIHTOI NI NAN TSUN AI LAM HPE NAU AHKYAK N LA MA AI.

ISRAELA AMYU MASHA NI A MYIHTOI NI KA DA AI LAIKA NI GAW KAGA MYIHTOI GA NI HTE N BUNG AI. MYIHTOI GA NI DAI ZAWN AZIN AYANG KA DA AI N MU YU NNGAI.



YU YU MU ! SINPRAW MUNG E ANHTE MU AI SHAGAN NAN SHE RAI NGA AI.

RAITIM, KAGA MU YU AI SHAGAN HTE N BUNG NGA AI. NDAI SHAGAN GAW KAGA SHAGAN NI HTE RALI N SHAMU HKAWM AI. GRAI NAN GRAU HTOI NGA AI.

DAI SHAGAN NGA AI SHARA HPE MASAT MATSING DA MU. HPAWT NI ANHTE DAI HPE HKAN NA RE.



WORA GAW... DAI NTA A NNTSA ANG ANG DI RAI KAP NGA SAI. RAITIM, NDAI SHARA GAW BETLEHEM MARE N RAI NGA AI. DAI GAW SHATA TSAWM RA MI LAI MAT AI HPANG SHE RAI SAI. SHANHTE HTAWT MAT SAM MASAI.

DAI SHAGAN GAW TENG SHA LAKLAI AI SHAGAN RAI NGA AI. SUMMMWI NI HTA GRAU TSAW NA LAM N NGA AI.

ANHTE HKAWM SA WA AI HKRLIN LAM MUNG GRAI GALLU SAI. YA DU NI MAHKA SHA RAI SAI.



ANHTE NANG HPE N SHATSANG MAYU GA AI. NDAI SHANGAI WA SAI HKAWHKAM MA HPE NAWKU NA MATU ANHTE SINPRAW MUNG DE NA LABAN BAT LAW LAW HKAWM SA WA AI, RAI GA AI.

NANHTE KANING DI CHYE MYIT NI?

MASHA AMYU YAWNG A CHYOI PRA AI CHYUM LAIKA NI HPE ANHTE HTI YU SAGA AI. NANHTE A MYIHTOI NI GAW NDAI WA PAW PRU NA LAM KA DA MA AI RAI NNA, SHAGAN LANGAI MI GAW ANHTE HPE NDAI KAW DU HKRA LAM WOI MATSUN YA SAI. DAI SHAGAN GAW YA PYI NA A NTA NNTSA ANG ANG DI RAI KAP NGA AI.



ANHTE SHAGRIT SHANEM AI MYIT HTE, NDAI KUMHPA KAJI NI HPE SHANGAI WA SAI MUNGKAN TING A HKYE LA MADU KAW SAK JAW GA AI. SHI GAW MASHA LAW LAW HPE DINGHPRING AI DE WOI KAYIN LA NA RA AI.

DAI SHANA, KARAI KASANG GAW HPAJI RAWNG AI NI KAW YUPMANG HTA GA SHAGA NNA, DAI MA KAJI A LAM HEROD HPE N WA TSUN DAN AI SHA TINANG MUNG DE KAGA LAM HKU WA MAT NA MATU MATSUN DAT AI. DAI MA KAJI HPE SAT KALI NA HEROD TAM NGA AI MAJAW EGLUTU DE WOI HPAWNG NA MATU YOSEP HPE MUNG KARAI KASANG SHADUM AI.



DAI SINPRAW MUNG  
NA HPAJI RAWNG AI NI  
NGAI HPE HKALEM KAU SAI.  
SHANHTE KAGA LAM HKU NTA  
WA MAT SAI. DAI MA KAJI  
HPE SHANHTE MU TAM NNA  
NGAI HPANG DE N WA GWI  
AI MAJAW RAI SAI.

BETLEHEM DE NYE  
A LAKSAN HPYEN DAP  
HPE SA SHANGUN DAT MLI.  
ASAK LAHKAWNG NING NPLU  
NA LASHA MA YAWNG HPE  
SAT KAU SHANGUN MU.



LAI WA SAI SHANING  
LAW LAW HTA,  
BETLEHEM MARE E NDAI  
GRAI YAWN HPA BYIN  
NA LAM MYIHTOI NI TALI  
HKRAU TSUN DA SAI.



YOSEP YAN MARI HTE MA  
CHYANGAI YESU GAW, MOI  
SHAWNG DE YAKU SA AI LAM  
HKU EGLTU MUNG DE SA WA  
MA AI. HPAJI RAWNG NI JAW DA  
AI KUMHPA NI GAW SHAN NU WA  
NI LAM JARIT HTA JAI LANG NA  
MATU HTE EGLTU MUNG E  
LAHKAWNG NING SA NGA NA  
JARIT A MATU RAM NGA AI.

HEROD SI MAT AI HPANG  
YESU ASAK LAHKAWNG NING  
RAI YANG, SHANHTE ISRAELA  
MUNG DE BAI NHTANG WA NA  
MATU KARAI KASANG HKANG DA  
SAI. NDAI MUNG MYIHTOI GA DIK  
WA NA MATU BYIN WA AI RE.  
"NGAI SHA HPE EGLTU KAW NA  
WOI LA NA" NGA AI.



SHANHTE EGLTU MUNG  
KAW NA BAI NHTANG WA YANG,  
LAMU KASA LANGAI MI YOSEP  
KAW DAN PRU NNA SHANHTE HPE  
NAZARET MARE KAJI DE HTAWT  
WA NA MATU SA TSUN AI. NDAI  
MUNG SHI HPE NAZARET WA NGU  
SHAMYING NA LAM MYIHTOI  
GA DIK WA AI, RAI NGA AI.

YESU GAW  
SHI HPE BAU KABA AI  
KAWA YOSEP A LAKSAMA  
GINSUM HTA BUNGLI  
GALAW NNA KLING KABA  
WA AI. SHI GAW, HPAJI  
BYENG YA GRAI KLINGHPAN  
WA NNA, MASHA A MAN,  
KARAI KASANG A MAN HTA  
MYIMAN PA WA NGA AI.

NYE MA YAN WA  
DAI NI TUP  
BUNGLI GALAW  
SANA KUN? WA  
SHA MARIT.



YESU ASAK SHI LAHKAWNG NING HPRING JANG, YOSEP GAW MA YAN NU HPE YERUSALEM MARE DE SHALAI WA AI POI WOI SA AI. SHANHTE GAW SHANHTE A YUBAK MARA NI A MATU HKLUNGGGA NAWNG YA NA SAGU KASHA LA SA MA AI.

YESU NANG DAI SAGU KASHA HPE HKINJAWNG WA HPANG DE HPAI SA LI. HPAWT NI DAI HPE HKLUNGGGA GARAI N NAWNG YANG HKINJAWNG NI JEP SHALAI YA RA AI. DAI NA ANHTE MANAM NA SHARA HKAN TAM RA NA RE.

WA, NGA! MUNG YESU HTE RALI NAWKU HTINGNU DE SA YU MAI NA KUN?



HKLUNGGGA NAWNG NGUT AI HPANG NHTOI TSAWM-RA NA YANG.

YOSEP, YESU HPE NGA! KANANG KAW MUNG N MU TAM SAI. SHI HPE SHANI TUP KADAI MUNG N HRRUM AI.

SHI HPE ANHTE YERUSALEM KAW NGAM KAU DA SAM SAI.

RAITIM, ANHTE NTA WA HKYEN AI LAM SHI CHYE AI. JINGHUU JINGYU NKALU MI HTE RALI LAWMA WA NA SAI SHADU AI.

ANHTE YA JANG BAI NHTANG WA NNA, SHI HPE YERUSALEM KAW SA TAM RA SAI.

MESHIA GAW DAWI A KASHA RAI NA LAM NANHTE YAWNG MYIT HKRUM MANIT DAI. MYIHTOI NI MUNG DAI HKU TSUN DA AI. LAMA WA MESHIA GAW HKAWHKAM A KARAI KASANG RAI YANG, DAWI MUNG SHI HPE MADU NGA NNA SHAGA AI LAM MUNG NANHTE MYIT HKRUM MANIT DAI. SHING NGA YANG, MESHIA GAW DAWI A SHADANG SHA HTE MADU KALANG TA AMYU LAHKAWNG GARA HKU MAI BYIN NA RAI TA? .. SHING NRAI,...

DAI HKU DINGLUN AI LAM HPE NANG SADI RA AI. SHING N RAI YANG KARAI KASANG HPE N-GUP A-GA HTE SHUT AI TAI NA RA AI.

SHI NGA NGA AI.

CHYUM LAIKA GAW JAW YANG JAW, SHUT YANG SHUT RAI NA. ANHTE A NAWKU HTUNG HTE BUNG PRE AI DAW HPE SHA LA SANA KUN?

RAITIM, NANG LACHYUM HPYAN AI LAM HPE JAW AI NGU MYIT LA NGA NDAI. NDAI SUNG AI TENGMAN LAM NI HPE MYITSU SALANG NI GRAU CHYE NA AI.

TENG MAN AI GAW GALOI MUNG SUNG A NI? CHYUM LAIKA GAW, ANHTE CHYE NA LU NA MATU JAW DA AI N RAI NI?

RAITIM, KA DA AI LAM SHAGU HPE DAI HKU RAW, N MAI HTA LA AI. TALMUD CHYUM LAIKA HTA....



SHI ANHTE HTE RALI  
NGA AI LAHKAWNG YA  
RAI SAI. NANG GAW  
LAKLAI DIK AI SHADANG  
SHA LU NDAI.

YESU, NANG  
HPE NING-WA AN  
LAHKAWNG SHARA  
SHAGU GRUP HKRA  
HKAN TAM SAGA AI.  
AN HPE HPA MAJAW  
NING DI NNI?



NAN LAHKAWNG  
GAW HPA MAJAW  
SHARA SHAGU HKAN  
TAM HKAWM MYIT NI?  
NYE WA HTE SENG AI  
LAM HTA NGAI HKAN  
GALAW RA AI HPE NAN  
LAHKAWNG N CHYE  
MYIT NI?



CHUM LAIKA NDAI  
DARAM CHYE AI  
MA NGAI N MU YU  
NGGAI.

SHI WA HTE SENG  
AI HTA SHI NGA RA AI  
NGA NNA SHI TSUN AI  
GAW HPA HPE NGU MAYU  
AI RAI TA? SHI HPE HKAN  
TAM AI WA GAW SHI A  
KAWA N RAI I?

YESU GAW KANU YAN  
KAWA HTE RALI NTA DE  
HKAN WA NNA SHAN  
LAHKAWNG LIP HKANG AI  
NPU E NGA NGA AI.  
LAKSAMA GINSUM HTA  
SHI BUNGLI MATUT  
GALAW NNA, HPAJI  
BYENG-YA KLING HPAN  
WA AI HTE HKUM SHING-  
YAN MUNG KABA WAAI.

SHI GAW, DINGHPRING AI LAM  
HTA HKAWM NNA, SHI A RALI  
RUM MANANG NI HPE MAI KAJA  
AI LAM GALOI MUNG GALAW YA  
AI MAJAW, MASHA SHAGU SHI  
HPE GRAI RA MA AI. KAGA  
SHABRANG NI YUBAK MARA HTA  
KADAWNG BANG TIM, YESU  
GAW KARAI KASANG HKANG DA  
AI TARA YAWNG HPE SHI A  
MYIT MASIN KRAW LAWANG  
KATA KAW NA MADAT MARA  
HKAN SA NGA AI.



NANG GAW  
GRAI DINGMAN DIK  
AI. NAZARET MARE KAW  
NANG HTA GRAU KAJA AI  
LAKSAMA N NGA SAI. NDAI  
BAW YAWNG KRU NAW  
LA JAT MAYU AI.



MARI MA GARAI N SHANGAI YANG SHATA KRUI SHAWNG JAI NNA, ELIZABET MA SHANGAI AI LAM NANG MYIT DUM NA RE. DAI MA HPE YAWHAN NGU SHAMYING NA LAM HTE DAI WA GAW MESHIA DU SA WA NA HPE HKAP LA NA MASHA NI A MYIT MASIN HPE HKYEN LAJANG SHANGUN NA LAM LAMU KASA GAW ZAKARI HPE TSUN DA SAI. NDAI LAM HPE MUNG SHANING MANGA TSA NING DARAM TAU HKRALI NNA MYIHTOI LAW LAW TSUN DA SAI RE.

SUMSING LAMU MUNG DAN DE NA TEN DU WA RA AI MAJAW, NANHTE TINANG A YUBAK MARA NA MYIT MALAI NNA, KARAI KASANG HPE MADAT MARA RA SAI. MESHIA HPE HKAP LA NA MATU NANHTE A MYIT MASIN HPE HKYEN LAJANG DA YANG, NANHTE HPE NGAI HKA HTA HKALLIP JAW NA NNGAI.

RAITIM, NGAI HTA GRALI AI WA LANGAI MI GAW NYE A SHAWNG E NGA NGA SAI RAI NNA, NYE A HPANG E DU SA WA NA RA AI. DAI WA GAW HKA HTA HRALLIP JAW NA NRAI, SHI NAN KAR KASANG A CHYOI PRA AI WENYI HTA BAPTISMA JAW NA RA AI. ATEN GARAI N LAI YANG NANHTE A YUBAK MARA KAW NA MYIT MALAI KAYIN WA MU.

YAWHAN, ANHTE HPA GALAW RA NA GA TA? ANHTE DINGHPRING LU HKRA KARAI KASANG HPA GALAW SHANGUN A TA?



NANG N TSA PALAWNG LAHKAWNG LU AI RAI YANG, LAM N TSA E N TSA PALAWNG N LU AI WA HPE NANG HKRUM AI SHALO NA A N TSA PALAWNG LANGAI MI SHI HPE GAM JAW U. NANG LUSHA LU YANG, LUSHA N LU AI WA HPE GAM JAW U.

MASHA YAWNG A MATU TARA DINGMAN AI LAM HPE TAM MU.



ANHTE ASUYA MAGAM GLIN NI GAW, KARAI KASANG A RA SHARAWNG AI LAM BYIN NA MATU HPA GALAW RA NA KUN? NGAI GAW HKANSE HTA AI WA RE. NDAI NABAL GAW AHKUN HKANSE HTA AI WA RAI NGA AI.

SAKSE MANAWN MAYLIN KUMHPA HKUM HPYI SHA MU. NAN A ARAWNG AYA HPE KADAI KAW NA MUNG GUMHPRAW SHAGYENG SHA NA MATU HKUM JAI LANG MU. NAN GALAW AI LAM YAWNG HTA TARA RAP RA AI HKU GALAW MU.



NGAI GAW NANHTE AMYU MASHA HTA NA MUNG N RE. NAWKU HTUNG MUNG NANHTE HTE N BLING NNGAI. RAITIM, NGAI MUNG KARAI KASANG MYIT RA AI LAM GALAW MAYU NNGAI. NGAI HPE GALAW RA NA RAI TA?

NANG UP AI MASHA NI HPE SHENG MARENG, ZINGRI ZINGRAT HKUM GALAW. NA ARAWNG AYA HPE JAI LANG NNA KADAI KAW NA MUNG GUMHPRAW, SUTGAN ARUNG ARAI HKUM HKAN KASHUN LA, HKUM LAGU. NA A SHATA SHABRAI HTE MYIT DIK NGA NNA, LU AI DARAM HTE ASAK HRRUNG NGA U.



NYE A HPANG E SA DU NA WA GAW, NGAI HTA GRALI ATSAM KABA NGA AI. SHI A KYEPPIN SUMRI HPE RAW NA PYI NGAI N GING N DAN NGA NNGAI. NANHTE MYIT MALAI NNA KAM SHAM YANG, NANHTE HPE CHYOI PRA AI WENYI HTA SHI BAPTISMA JAW NA RA AI.

NANHTE SHI HPE N HKAP LA NNA NANHTE A YUBAK HTA MATUT ASAK HKRUNG YANG SHI GAW NANHTE HPE HTANI HTANA WAN MANG DE JAHKRAT KAU NA RE. YUBAK GALAW AI LAM HPE YA JAHKRING KAU MU.




NGAI GAW MESHIA N RE.

MESHIA A LAM NDAI SHANA NA PRU SA AI NANG GAW, KADAI WA RAI NGA NNI? NA HKUM HPE NANG KADAI WA NGU SHAMYING NNI?

AMYU SHA NI HPE WOI AWN NA MATU KARAI KASANG DAT DAT AI WA NGU NNA MAWSHE TSUN TSUN RE AI MYIHTOI RAI NNI?

N RAI LAW, MYIHTOI ESAIA TSUN AI HTE MAREN, NGAI GAW MESHIA A MATU LAM HPE HKYEN LAJANG NA MATU NAM MALI E JAHTAU AI NSEN RAI NGA NNGAI.

SHING RAI YANG, ANHTE A NAWKU HTUNG DARU MAGAM AHKANG AYA LU AI NI HPE LAI DA NNA, MASHA NI HPE HKALLUP HKAN JAW HKAWM AI GAW, NANG HTA KANING RE AI AHKANG LU NNI?



KARAI KASANG A WENYI GAW MARAI LANGAI NGAI A N TSA E, HKRU DU ZAWN SA YU DUNG AI HPE NGAI MU YANG, DAI WA HPE MUNGKAN GA A HKYE HKRANG LA AI MADU, ISRAELA AMYU SHA NI A MESHIA RE AI LAM, NGAI HPE KARAI KASANG A LAMU KASA TSUN DAN DA AI.

NGAI GAW MESHIA A MATU LAM HKYEN LAJANG YA AI SHI HTAWN KASA WA SHA RAI NGA NNGAI. NANHTE CHYAWM GAW PUHTUM KASHA NI RAI NGA MYIT DAI. NANHTE GAW ABRAHAM A SHADANG SHA NI HTE YUDA AMYU SHA NI RE AI MAJAW SHA KARAI KASANG A SHADANG SHA NI RAI SAI NGU MYIT LA NGA MYIT DAI.

NANHTE A GUMRAWNG GUMTAWNG HTE MYIT TSAW MYIT DAP AI YUBAK MARA HPE SHAWNG TAWN KAU RA NGA MYIT DAI. DAI NINGWA GAW HPUIN PAWT E SHADA TAWN SAI RAI NNA, NANHTE A MYIT MASIN KRAW LAWANG HPE N GALAI SHAI KAU YANG, NANHTE HPE NGARAI WAN MANG DE KRAN BANG KAU NA SHA RAI SAI.

YAWHAN, NANG TSUN YANG MESHIA DU SA WA SANA NGA AI. SHI DU SA WA YANG SHI HPE KANING DI HKAP CHYE YU NA RAI TA?



YAWHAN TARA HKAW AI SHATA KRUI RAI NNA, YESU MUNG ASAK SUMSHI NING RAI NGA AI.


NDAI ATEN DU WA NA HPE NGAI CHYE DA CHYALU RE. NGAI YAWN HKYEN KABA HKRUM NA LAM LAMU KASA GABRIELA TSUN DAN SAI. NDAI LAM BYIN AI HPE NA WA, NANG HPE BALI KABA AI NING-WA, NAW MU DA YANG MAI NA WA, NGU NNGAI RE.

NANG HPA GALAW NA KUN? GARA HKU GALAW HPANG DAT NA KUN? NAWKU HTINGNU DE SA NA KUN?

NANG NGAI KAW NAW WA JAHKRUM NA I?

NGAI N CHYE NNGAI. NYE WA SHE NGAI HPE MADUN DAN NA RE. YAWNG A SHAWNG YAWHAN KAW SA JAHKRUM NNA SHI A LATA HTA HKALLUP HKAM LA RA NA RE. SHI GAW BAI SHANGAI AI NHTOI A MATU MASHA LAW LAW HPE HKYEN LAJANG DA SAI.

SHE WA GAW E, NLU... NANG HPE NGAI N KAU TAWN DA NA RE. NANG HKAM SHARING LU NA SHA RA AI. NA A MATU HKAM LA NA N LOI AI LAM NI NGAI HTA BYIN HKRUM WA NA RE.



MESHIA DU SA NA MATU HKYEN LAJANG DA MU. NANHTE KANLU KAWA NI GAW NANHTE A KASHA NI HPANG DE BAI GAYIN NHTANG WA RA AI. NANHTE HPAJI RAWNG NNA, NANHTE A KASHA NI HPE KARAI KASANG A TARA SHARIN YA NA ATEN JAW RA AI. MADAT MARA AI LAM N NGA AI NANHTE A KASHA NI GAW NANHTE MYIT SAN SENG AI HPE MU JANG, SHANHTE A MYIT MASIN NI GAW, TINANG A KANLU KAWA HPANG DE BAI NHTANG KAYIN WA NNA, SHANHTE A KUN DINGHKU NI HTA SHAMA! SHATSAI HKRUM NA MARA AI.


LAMA WA, NDAI GAW NANHTE A MYIT MASIN RAI NNA, MESHIA DU SA WA AI SHALOI SHI A HPANG DE KABU GARA HKAN NANG MAYU YANG, NDAI HKA KATA DE SA WA MARIT. NGA! NANHTE HPE HKA HTA HKALIP JAW NA NNGAI. SHING N RAI, MESHIA DU SA AI SHALOI NANHTE A YUBAK MARA NI HPE RAW KAU YA NA RA AI.



YAWHAN, NGA! HPE HRALLIP JAW RIT.

NANG MAHTANG NGA! HPE HKALIP JAW YANG GRAU HTAP HTUK NA RE. NANG GAW TENG SHA DINGHPRING AI MASHA RAI NGA NDAI.

YAWHAN, NGA! GAW KARAI KASANG A TARA YAWNG HPE MADAT MARA HKAN NANG RA AI. NYE WA E SHI A AMYU MASHA NI HPE HKANG DA AI LAM YAWNG HPE NGA! GALAW RA AI.



HKRUDU!... NGA! HKRUDU HPE MU AI.



NANG GAW  
MESHIA SHE RAI  
NGA AI. NGA  
CHYE RA AI RE.



NDAI WA GAW,  
NGAI GRAI  
SHARAWNG AWNG DIK  
AI, NYE A TSAWRA  
AI SHADANG SHA  
RAI NGA AI.

NDAI WA GAW  
MUNGKAN TING A  
YUBAK MARA HPE GUN  
LA KALI YA NA KARAI  
KASANG A SAGU KASHA  
RAI NGA AI.



HKRISTU!

SHI SA  
WA SAI.

KARAI  
KASANG A  
CHYOI PRA  
AI WA...

SHI GAW  
DAI MUNGKAN  
HPE GAW GAP  
DA NA RA AI.



SHI KANANG DE SA WA  
NA RAI TA? DAI MUNG DAN  
HPE SHI BAI MAWAI  
LA NA KUN?

ATEN DU  
JANG RAI WA  
NA RA AIRAITIM,  
CHYAM DINGLIK  
AI HPE SHAWNG  
SHI AWNG DAN  
RA AI.


KANING RE  
AI CHYAM  
DINGLIK AI  
KUN?

ADAM HTE SHINGGYIM  
MASHA BAN YAWNG HKRAT SUM  
AI CHYAM DINGLIK LAM RE. SHI  
GAW NSIN A DU HPE MAN  
HKRUM, KATUT RA AI.



KAWA KARAI GAW SHI A KASHA YESU HPE  
NHTOI HO YA LUSHA GAM NA MATU TSUN  
AI. SHI GAW KANING RE AI LUSHA MUNG N  
SHA AI. SHI A HKUM HKRANG GAWNG KYA  
WA YANG, SHI KAWSI AI HPE JAHKRU  
SHAMAI LA NA MATU, KAWA KARAI A GA  
HPE LALE HKRA SATAN SA GUNGLAU AI.

SHAWNG NA MASHA ADAM GAW, KARAI  
KASANG HPE N MADAT N MARA AI MAJAW,  
SHI A AHKAW AHKANG HPE TAT SUM KAU  
SAI. YESU GAW, MOI SHAWNG NINGPAWT  
KAW NNA, KARAI KASANG HKU HTANI HTANA  
A-NGA NGA AI. RAI TIM, YA SHI GAW, SI  
CHYE AI SHINGGYIM MASHA HKUM SHAN  
SA DAGRAW AI. KAGA MASHA NI YAWNG  
HKRAT SUM AI CHYAM DINGLIK LAM HPE,  
SHI AWNG DANG TAWT LAI LU NA KUN?



LUSHA GAM AI NHTOI HO YA HTUM YANG  
YESU GAW KAWSI HKRUM NNA N-GUN  
YAWM NGA AI. YA TINANG A HKUM HKRANG  
HTA HKAM SHA JANG SHE, MATSAN AI HTE  
KAWSI KYET AI HPE SHI CHYE NA SAI. GAREN  
GARI AI HTE, KAU DA HKRUM AI, MACHYI AI,  
GAWNG KYA AI HPE SHI CHYE NA SAI.



NANG GAW KARAI  
KASANG A KASHA  
RE AI MAJAW, SHA  
NA AHKANG HPE  
NANG LI AI.



SATAN GAW YESU A MYIT HPE NHTOI LAW LAW,  
MYIT LING ANG AI HTE HKRIT MYIT HKU NNA  
CHYAM DINGLIK SAI. GUNGLAU AI LAM JAHTUM  
MAGA RAI WA SAI HTE YESU KAWSI, GAWNG KYA  
DIK RE AI HPE SATAN WA CHYE AI MAJAW,  
SHAWOI GALOI NALU N GALAW YU AI HKU, SHI  
HKUM HPE YESU KAW SA SHADAN DAN AI.



SATAN GAW SHAWNG NNAN NA SHINGGYIM MASHA ADAM HPE PAT HKUM TAWN AI NAMSI SHA NA MATU GUNGLAU LAI WA SAI. YA SATAN GAW, KAWSI NNA N-GUN YAWM NGA AI KARAI KASANG A KASHA HPE LUSHA HTE BAI GUNGLAU NGA AI.

NHTOI HO YA SHAT LUSHA N SHA AI MASHA KASHA SHINGGYIM MASHA LANGAI MI A MATU AGLING ALALI MAJING NAN RAI NGA AI.



NDAI NLLUNG HPE MUK SHATAI NNA NA A KAWSI AI KAN HPE SHAZIM LA LU NA RAI NGA NDAI.



N SHA NA RE. CHYUM MUNGGA HTA MASHA GAW MUK HTE SHA ASAK HKRUNG NGA LU NA N RAI, KARAI KASANG A N-GUP KAW NA PRU AI MUNGGA SHAGU HTE ASAK HKRUNG LU NA RE, NGA NNA TSUN DA AI.

NGAI KAW HKAN NANG RIT SHALOI KARAI KASANG HPE MADAT MARA LU NA SHARA DE NGAI WOI SA NA NNGAI.



N DAI KAW NA NANG GUMHTAWN HKRAT YANG LAMU KASA NI NANG HPE HKAP KAJAU PAWN LA AI LAM SHAWA MASHA YAWNG MU NNA, SHANHTE NANG HPE MESHIA RE AI LAM CHYE AI MAJAW, NGAI MUNG DAI LAM A MATU NANG DU SA AI HPE CHYE NA RAI NGA AI.

NANG DAI CHYUM LAIKA HPE MADI MADUN NGA AI HTE MAREN, DAI CHYUM MUNGGA HTA NAN, NLLUNG HTA NA A LAGAW N AHTU U GA NGA NNA NANG HPE LAMU KASA NI HKAP PAWN LA NA LAM RAWNG AI. YA GAW, NA A ATSAM HPE MADUN DAN NA ATEN DU SAI.

CHYUM LAIKA HTA, NA A MADU KARAI KASANG HPE CHYAM YU LU NA N RAI, NGA NNA MUNG NAW KA DA AI.

MUNGKAN HPE NANG TSAWRA NNA, DAI HPE HKYE LA NA MATU SA DU AI LAM NGAI CHYE NGA NNGAI. DAI MAJAW, NANG RA AI ZAWN RE AI LAMA MI NAW MADUN DAN DE GA.



YA NDAI SHARA KAW NNA MUNGKAN TING NA MUNG DAN KABA YAWNG HPE MU MADA LU AI. DAI MUNG DAN NI GAW DIK HKRA HKIK HKAM NGA MA AI N RAI NI? UP HKANG TARA LAM HPE ADAM SHINGDU DAT KAU AI SHANI KAW NA NDAI YAWNG NGA MADU LA KAU SAI RE. SHINGGYIM MASHA NI GAW NGA HPE DAI UP HKANG ARAWNG SADANG YA SHA YA SHA BAI AP YA MA AI. YAWNG GAW NGA NA RE. NDAI DINGHTA MUNGKAN GA A KARAI GAW, NANG N RAI, NGA SHE RE.

RAITIM, LAMA MI NANG MYIT HKRUM YANG, YAWNG NGA JAW KAU NA NNGAI. LAHPUT HPUT DI NNA NANG NGA HPE KALANG MI DINGNYAWM NAWKU YANG, NDAI MUNGKAN GA HTE DAI HTA NGA AI YAWNG HPE UP HKANG SHA NA AHKAW AHKANG JAW NA. GARA HKU?



CHYUM LAIKA HTA, "NA A KARAI KASANG YEHOWA HPE SHA NANG NAWKU DAW JAU LU NA NDAI... NGA NNA KA DA NGA AI. NANG SUM SAI. PRU MAT NU;

SATAN GAW HKRISTU A MAN NA HPRAWNG MAT WA SAI. MASHA LABAU HTA SATAN GAW SHI N LU HKALEM AI MASHA LANGAI MI HPE SHAWNG NA LANG HKRUM SAI. YESU GAW CHYAM DINGLIK AI HPE AWNG DANG SAI. NDAI MUNGKAN N TSA E KARAI KASANG HPE TSEP KAWP MADAT MARA AI MASHA LANGAI MI NGA SAI.



NHTOI HO YA AGUNG ALAU HKRUM AI LAM NGUT MAT SAI. RAITIM, YESU GAW GRAI N-GUN YAWM MAT NNA N LU MATLUT HKAWM SAI.



LAMU KASA NI LUSHA HTE LU HKA LA SA NNA SHI HPE DAW JAU MA AI. SHI A HKUM N-GUN BAI RAWNG WA JANG, YAWHAN TARA HKAW NGA AI SHARA DE BAI NHTANG WA AI.